

# **ODLUKU**

## **O PRIVREMENOM KORIŠTENJU JAVNIH POVRŠINA NA PODRUČJU OPĆINE CENTAR SARAJEVO**

# Službene novine Kantona Sarajevo, broj 14/05

Na osnovu člana 27. Zakona o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04), člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00) i članova 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) Općinsko vijeće Općine Centar Sarajevo je na četvrtoj redovnoj sjednici održanoj dana 14. marta 2005.godine donijelo

## ODLUKU

### O PRIVREMENOM KORIŠTENJU JAVNIH POVRŠINA NA PODRUČJU OPĆINE CENTAR SARAJEVO

#### Član 1.

Ovom odlukom utvrđuju se uslovi i kriteriji za dodjelu lokacija za privremeno korištenje javnih površina za postavljanje kioska, slobodnostojećih otvorenih bašti, slobodnostojećih reklamnih panoa i slobodnostojećih displeja, visina naknade svih vidova privremenog korištenja javnih površina na području Općine Centar Sarajevo, način naplate i mjere za sigurnu i efikasnu naplatu i druga pitanja od značaja za utvrđivanje naknade za korištenje javnih površina.

#### Član 2.

Dodjela lokacija za privremeno korištenje javnih površina za postavljanje kioska, slobodnostojećih ljetnih bašti, slobodnostojećih reklamnih panoa i slobodnostojećih displeja u obuhvatu elaborata, vrši se putem oglasa.

Prvenstveno pravo za dodjelu lokacija iz prethodnog stava utvrđuje se na osnovu slijedećih kriterija:

1.	visina zakupnine, za svaku KM iznad početnog iznosa zakupnine	5 bodova
2.	nezaposleni članovi porodičnog domaćinstva (član 6. Zakona o stambenim odnosima), uključujući i podnosioca, za svakog nezaposlenog člana	5 bodova
3.	član uže porodice (roditelji, bračni drug i djeca) šehida i poginulih boraca	70 bodova

4.	angažovanost u Oružanim snagama R BiH za vrijeme rata, za svaku punu godinu	10 bodova
5.	invalidnost po osnovu učešća u Oružanim snagama R BiH, za svaki procent invalidnosti	1 bod
6.	vojna priznanja, u smislu člana 2. Zakona o dopunskim pravima boraca - branitelja R BiH ("Službene novine Kantona Sarajevo", broj 2/02)	50 bodova
7.	dobitnici najviših općinskih priznanja za zasluge u ratu	30 bodova

### Član 3.

Pravo učešća na oglasu za dodjelu lokacija za privremeno korištenje javnih površina iz člana 2. ove odluke imaju pravna lica registrovana za obavljanje određene djelatnosti i fizička lica koja imaju odobrenje za obavljanje djelatnosti (korisnici).

### Član 4.

Dodjelu lokacija za privremeno korištenje javne površine vrši općinski načelnik, putem Službe za upravu za prostorno uređenje i komunalne poslove (u daljem tekstu: Služba) na osnovu liste redoslijeda utvrđene prema broju bodova ostvarenih po osnovu kriterija iz člana 2. ove odluke.

### Član 5.

Javni oglas za dodjelu lokacija objavljuje se najmanje u jednom od dnevnih listova na području Federacije Bosne i Hercegovine.

Sadržaj javnog oglasa utvrđuje općinski načelnik na prijedlog Službe u skladu sa zakonom i ovom odlukom.

### Član 6.

Naknada za privremeno korištenje javnih površina plaća se u paušalnom iznosu, kako slijedi:

1.	za postavljanje kioska, u obuhvatu elaborata, početna cijena u postupku oglašavanja, iznosi	20,00 KM/m <sup>2</sup> , mjesečno
2.	cijena korištenja javne površine za kioske za koje je produženo odobrenje za građenje, u skladu sa odredbama Zakona o prostornom	40,00 KM/m <sup>2</sup> , mjesečno

	uređenju, u extra zoni, iznosi	
3.	za postavljanje slobodnostojećih ljetnih bašti u obuhvatu elaborata, početna cijena u postupku oglašavanja, iznosi	20,00 KM/m <sup>2</sup> , mjesečno
4.	za postavljanje slobodnostojećih reklamnih panoa i slobodnostojećih displeja, u obuhvatu elaborata, početna cijena u postupku oglašavanja, iznosi	50,00 KM/m <sup>2</sup> , mjesečno
5.	za postavljanje slobodnostojećih telefonskih govornica, u extra zoni, za svaku govornicu, iznosi	50,00 KM/m <sup>2</sup> , mjesečno
6.	za postavljanje prodajnih stolova ispred poslovnih prostora za izlaganje i prodaju robe i stolova ispred ugostiteljskih radnji, u extra zoni, iznosi	40,00KM/m <sup>2</sup> , mjesečno
7.	za postavljanje prodajnih stolova (pokretne tezge), u extra zoni, iznosi	30,00 KM, dnevno
8.	za postavljanje rashladnih uređaja, u extra zoni, po uređaju, iznosi	150,00 KM, mjesečno
9.	za postavljanje žardinjera za cvijeće, vaga za osobno mjerenje, sanduka za čišćenje obuće i klupa za sjedenje, po jednom postavljenom sadržaju, iznosi	10,00 KM, mjesečno
10.	za postavljanje cirkuskih šatora, u extra zoni, iznosi	250,00 KM, dnevno
11.		150,00 KM, mjesečno
12.	za održavanje kulturnih, zabavnih, sportskih, humanitarnih i drugih manifestacija, u extra zoni, iznosi	250,00 KM, dnevno
13.	za postavljanje građevinskih fasadnih skela i deponovanje građevinskog materijala, iznosi	5,00 KM/m <sup>2</sup> , mjesečno
14.	za javni parking prostor za jedno garažno mjesto (do 15m <sup>2</sup> ), u extra zoni, iznosi	30,00 KM, mjesečno

### Član 7.

Učesnik javnog oglasa za postavljanje slobodnostojećih ljetnih bašti se boduje po osnovu ponuđene zakupnine za svaku KM iznad početnog iznosa do:

- 100,00KM/m<sup>2</sup> za lokaciju Gajev trg,
- 80,00KM/m<sup>2</sup> za lokaciju Branilaca Sarajeva,
- 60,00KM/m<sup>2</sup> za lokaciju Maršala Tita,

- 40,00KM/m<sup>2</sup> za lokaciju Franca Lehara.

### **Član 8.**

Zahtjevi za postavljanje prodajnih stolova (pokretne tezge) povodom značajnih istorijskih, vjerskih i drugih datuma podnose se najranije 30 dana prije nastupanja značajnih istorijskih, vjerskih i drugih datuma.

Period privremenog korištenja javnih površina za postavljanje prodajnih stolova iz prethodnog stava utvrđuje se u trajanju do 7 dana.

### **Član 9.**

Dodjelu lokacija za privremeno korištenje javnih površina za postavljanje kioska i slobodnostojećih ljetnih bašti, izvan obuhvata elaborata, odobrava općinski načelnik, putem Službe bez oglašavanja, prema prostornim mogućnostima i mišljenju Zavoda za planiranje razvoja Kantona Sarajevo.

Naknada za privremeno korištenje javne površine iz prethodnog stava se utvrđuje prema zoni u kojoj se lokacija nalazi.

### **Član 10.**

Iznos naknade utvrđen u članu 6. tačka 2., 5., 6., 7., 8., 10., 11., 12. i 14. umanjuje se za I zonu 20%, za II zonu 40% i za III zonu 70% (zone su utvrđene u skladu sa Odlukom o građevinskom zemljištu koju je usvojilo Općinsko vijeće Centar Sarajevo).

### **Član 11.**

Članu uže porodice šehida, poginulog borca, RVI grupa sa 60% i više invaliditeta i borca Armije RBiH, neprekidno od maja 1992. do decembra 1996. godine kome je dodijeljena javna površina u skladu sa članom 6. tač. 1., 2., 3., 6., 7. i 8. utvrđeni iznos zakupnine, umanjuje se mjesečno za 40% za ugovoreni period zakupa.

### **Član 12.**

Paušalna naknada za korištenje javne površine iz člana 6. tač. 7., 10. i 12. plaća se unaprijed, a za korištenje javne površine pod tač. 1., 2., 4., 5., 6., 8., 9., 11., 13. i 14. plaća se unaprijed, mjesečno.

Paušalna naknada za korištenje javne površine iz člana 6. tačka 3. plaća se za posljednja tri mjeseca korištenja unaprijed prije izdavanja odobrenja za građenje, a ostale rate mjesečno na način i u rokovima utvrđenim odobrenjem za građenje.

Za iznos naknade za korištenje javne površine koju obveznik ne plati na način i u rokovima utvrđenim prethodnim stavom plaća se kaznena kamata po stopi od 0,2% za svaki dan zakašnjenja.

Ako obveznik dospjelu naknadu za korištenje javne površine ne plati u propisanom roku naplata će se izvršiti u skladu sa zakonom.

### **Član 13.**

Korisnici javne površine koji ne izvršavaju obaveze utvrđene Zakonom o privremenom korištenju javnih površina na području Kantona Sarajevo, ovom odlukom, rješenjem o privremenom korištenju javne površine i rješenjem o utvrđivanju visine naknade, gube pravo da koriste javnu površinu u narednih pet godina što se utvrđuje posebnim rješenjem.

Odobrenje za privremeno korištenje javne površine ne može se izdati korisnicima koji nisu u cijelosti izmirili naknadu iz prethodnih godina.

### **Član 14.**

Služba uspostavlja evidenciju korisnika javne površine i korisnika koji postupaju suprotno odredbama prethodnog stava za tekuću godinu u koju se unose podaci: ime/naziv korisnika, adresa, lokacija, broj i datum rješenja, period korištenja, vrsta objekta, površina, poslovna zona i iznos naknade.

Služba će najmanje jednom godišnje vršiti inspekciju, odnosno reviziju izdatih rješenja.

### **Član 15.**

Za održavanje manifestacija u humanitarne i kulturne svrhe, provođenje izbora i drugih sadržaja od značaja za jedinicu lokalne samouprave može se odobriti privremeno korištenje javne površine bez naknade, o čemu odlučuje općinski načelnik na prijedlog Službe.

### **Član 16.**

Pod zonama u smislu ove odluke smatraju se zone utvrđene Odlukom o dodjeli na korištenje poslovnih zgrada i poslovnih prostorija Općine Centar Sarajevo-Prečišćeni tekst ("Službene novine Kantona Sarajevo", broj 23/04).

## Član 17.

Stupanjem na snagu ove odluke prestaje primjena Odluke o privremenom korištenju javnih površina ("Službene novine Kantona Sarajevo", br. 14/02, 5/03 i 27/03).

Rješenja donesena na osnovu Odluke o privremenom korištenju javnih površina ("Službene novine Kantona Sarajevo", br. 14/02, 5/03 i 27/03) izdata do stupanja na snagu ove odluke, ostaju na snazi do isteka roka utvrđenog u rješenju.

## Član 18.

Ova odluka stupa na snagu narednog dana po objavljivanju na oglasnoj tabli Općine Centar Sarajevo, a naknadno će se objaviti u "Službenim novinama Kantona Sarajevo".

Ova odluka je objavljena na oglasnoj ploči Općine Centar Sarajevo dana 21. aprila 2004. godine.

Broj 01-23-1925/05  
14. marta 2005. godine  
Sarajevo

Predsjedavajući  
Općinskog vijeća  
**Muhamed Alaim, s.r**

# Službene novine Kantona Sarajevo, broj 15/05

## ODLUKU

### O IZMJENI ODLUKE O PRIVREMENOM KORIŠTENJU JAVNIH POVRŠINA NA PODRUČJU OPĆINE CENTAR SARAJEVO

## Član 1.

Član 10. Odluke o privremenom korištenju javnih površina na području Općine Centar Sarajevo broj 01-23-1925/05 od 14.03.2005. godine, mijenja se i glasi:

"Iznos naknade utvrđen u članu 6. tačka 2., 5., 6., 7., 8., 10., 11., 12. i 14. umanjuje se za I zonu 20%, za II zonu 40% i za III zonu 70%."

## **Član 2.**

Ova odluka stupa na snagu narednog dana po objavljivanju na oglasnoj tabli Općine Centar Sarajevo, a naknadno će se objaviti u "Službenim novinama Kantona Sarajevo".

(Ova odluka je objavljena na oglasnoj ploči Općine Centar Sarajevo dana 25.4.2005. godine.)

Broj 01-23-2206/05  
20. aprila 2005. godine  
Sarajevo

Predsjedavajući  
Općinskog vijeća  
**Muhamed Alaim**, s. r.

## **ODLUKU**

### **O IZMJENAMA I DOPUNAMA ODLUKE O PRIVREMENOM KORIŠTENJU JAVNIH POVRŠINA NA PODRUČJU OPĆINE CENTAR SARAJEVO**

## **Član 1.**

U Odluci o privremenom korištenju javnih površina na području općine Centar Sarajevo ("Službene novine Kantona Sarajevo", br. 14/05, 15/05 i 32/06) iza člana 3. dodaje se novi stav koji glasi:

"Uz zahtjev za izdavanje odobrenja za građenje za dodjelu lokacija za privremeno korištenje javnih površina iz člana 2. ove Odluke fizička lica su u obavezi dostaviti odobrenje za obavljanje određene djelatnosti, odnosno registraciju od nadležnog suda".

## **Član 2.**

Stav 2. člana 13. mijenja se i glasi:



"Odobrenje za privremeno korištenje javne površine korisnicima kojima je izrečen gubitak prava na korištenje javne površine u narednih pet godina može se produžiti ukoliko korisnik javne površine u roku od 15 dana od dana prijema rješenja izjavi žalbu i uz istu dostavi dokaz o plaćenju naknadi iz prethodnih godina".

Iza člana 13. stav 2. Odluke dodaje se novi stav 3. koji glasi:

"Korisniku javne površine kojem je izrečen gubitak prava korištenja javne površine u narednih pet godina izuzetno se može odobriti korištenje javne površine, na prijedlog općinskog načelnika uz dostavu dokaza o izmirenju dužene naknade i naknade za period bespravnog korištenja javne površine, za koju će se izdati naknadno odobrenje."

Iza člana 13. stav 2. Odluke dodaje se novi stav 4. koji glasi:

"Korisnicima javne površine iz člana 2. Odluke koji redovno izvršavaju obaveze utvrđene Zakonom o privremenom korištenju javnih površina na području Kantona Sarajevo, ovom Odlukom, rješenjem o privremenom korištenju javne površine i rješenjem o utvrđivanju visine naknade, korištenje javne površine može se produžiti za još godinu dana, rješenjem nadležnog organa, bez raspisivanja oglasa".

### **Član 3.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

(Ova Odluka je objavljena na oglasnoj ploči Općine Centar Sarajevo dana 5. 6. 2007. godine.)

Broj 01-23-5955/07  
25. maja 2007. godine  
Sarajevo

Predsjedavajući  
Općinskog vijeća  
**Muhamed Alaim**, s. r.

# lužbene novine Kantona Sarajevo, broj 32/06

## **ODLUKU**

**O IZMJENAMA I DOPUNAMA ODLUKE O PRIVREMENOM KORIŠTENJU JAVNIH POVRŠINA NA**

## PODRUČJU OPĆINE CENTAR SARAJEVO

### Član 1.

U Odluci o privremenom korištenju javnih površina na području općine Centar Sarajevo ("Službene novine Kantona Sarajevo", br. 14/05 i 15/05) u članu 6. iza tačke 6. dodaje se novi stav koji glasi:

6.	- za postavljanje stolova ispred ugostiteljskih radnji, u extra zoni, u zimskom periodu, iznosi	20,00 m2 mjesečno
----	---	----------------------

U istom članu iza tačke 7. dodaje se novi stav koji glasi:

7.	- za postavljanje info stolova, u extra zoni, iznosi	30,00 KM m2 dnevno
----	--	--------------------

### Član 2.

Iza člana 8. dodaje se novi član 8a i glasi:

"Zahtjevi za postavljanje stolova ispred ugostiteljskih radnji podnose se najranije 30 dana prije isteka perioda korištenja javne površine".

Period privremenog korištenja javnih površina za postavljanje stolova ispred ugostiteljskih radnji utvrđuje se u periodu od 15.aprila do 15. oktobra tekuće godine, za ljetni period i od 16.oktobra do 14.aprila naredne godine, za zimski period.

### Član 3.

Član 15. Odluke mijenja se i glasi:

"Privremeno korištenje javne površine bez naknade, o čemu odlučuje općinski načelnik na prijedlog Službe, može se odobriti u izuzetnim slučajevima za korištenje javne površine u svrhu održavanja manifestacija i drugih sadržaja od značaja za jedinicu lokalne samouprave".

### Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Ova Odluka je objavljena na oglasnoj ploči Općine Centar Sarajevo 16. 11. 2006. godine.

Broj 01-23-9065/06  
9. novembra 2006. godine  
Sarajevo

Predsjedavajući  
Općinskog vijeća  
**Muhamed Alaim**, s. r.

# Službene novine Kantona Sarajevo, broj 15/08

## **ODLUKU**

### **O IZMJENI I DOPUNI ODLUKE O PRIVREMENOM KORIŠTENJU JAVNIH POVRŠINA NA PODRUČJU OPĆINE CENTAR SARAJEVO**

#### **Član 1.**

U Odluci o privremenom korištenju javnih površina na području Općine Centar Sarajevo ("Službene novine Kantona Sarajevo", br. 14/05, 15/05, 32/06 i 20/07) u članu 13. stav 4. mijenja se i glasi:

"Korisnicima javne površine iz člana 2. Odluke koji redovno izvršavaju obaveze utvrđene Zakonom o privremenom korištenju javnih površina na području Kantona Sarajevo, ovom Odlukom, rješenjem o privremenom korištenju javne površine i rješenjem o utvrđivanju visine naknade, korištenje javne površine, može se produžiti za svaku narednu godinu, do pet (5) godina, bez raspisivanja oglasa".

#### **Član 2.**

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Ova Odluka je objavljena na oglasnoj ploči Općine Centar Sarajevo 12. 5. 2008. godine

Broj 01-23-3511/08  
30. aprila 2008. godine  
Sarajevo

Zamjenica predsjedavajućeg  
Općinskog vijeća  
**Hasena Sofović**, s. r.